

**Uunga siunnersuut: Inuit innarluutillit tapersersorneqarnissaannut Inatsisartut
inatsisaat nr. xx, xx. xxx 2019-imeersoq.**

*(Peqqissutsimut, Isumaginninnermut Inatsisinillu Atuutsitsinnermut Naalakkersuisumit
saqqummiunneqartoq)*

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap sularinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq
Inatsisartunut ilaasortaq Stine Egede, Inuit Ataqtigiit, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Malene Vahl Rasmussen, Demokraatit
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Aqqa Samuelsen, Inuit Ataqtigiit

UPA 2019-imi ulloq 2. marts 2019-imi siullermeerinninnerup kingorna ataatsimiititaliap
siunnersuut sukumiisumik misissorpaa.

1. Siunnersuutip imarisaa siunertaalu

Inatsisissatut siunnersuutip annertuumik innarluutillit ikiorserneqartarnerat pillugu Inatsisartut
peqquussutaat atuuttoq nr. 7, 3. november 1994-imeersoq kingusinnerusukkut
allanguuteqartinneqartoq taarsissavaa. Inatsisissatut siunnersuut kapitalinut 20-inut
aggornilersorneqarpoq aalajangersakkanillu 78-inik imaqarluni.

Inatsisissatut siunnersuut ulloq 1. januar 2020-imi atuutilersinneqassasoq
siunnersuutigineqarpoq.

Siunnersuummi kapitali 1, § 1, naqinnerit 1-5 malinneqarnissaat inatsisissatut siunnersuummi siunertarineqarpoq anguniarneqarlunilu, ilaatigut siunertarineqartut pillugit ima allassimasoqarluni:

1

Innarluuteqarnerup malitsigisaanik ajornartorsiutit pillugit inuit innarluutillit siunnersorneqarnissamik tapersorneqarnissamillu neqeroorfigineqarnissaannik qulakkeerinnittoqarnissaa inatsisissatut siunnersuummi siunertarineqarpoq.

2

Inuup innarluutillip imminut ikiorsinnaanissaanik imaluunniit ulluinnarni inuuneranik oqilisaassinissamik taamalu inuunerinnerulernissaanik inatsisissatut siunnersuummi siunertarineqarpoq.

3

Inunnut ataasiakkaanut periarfissaappat inuup innarluutillip ineriartorsinnaanissaanik aamma piginnaasai naapertorlugit nammineq periarfissaqarfiinik atorluaasinnaanissamik siuarsaanissaq inatsisissatut siunnersuummi siunertarineqarpoq.

4

Inuit innarluutillit naligiimmik periarfissaqarnissaasa aammalu innarluuteqarneq pissutigalugu assigiinngisitsinerup akuersaarneqannginnissaanik, matumanilu inuit innarluutillit sapinngisamik inuiaqatigiinni tamakkiisumik sunniuteqarluartumillu peqataanissaasa akuunissaasalu qulakkeerneqarnissaa inatsisissatut siunnersuummi siunertarineqarpoq.

5

Inuk innarluutilik ilinniarnissaminut sulisinnaanissaminullu periarfissaasa siuarsarneqarnissaannik inatsisissatut siunnersuummi siunertarineqarpoq.

Inuit innarluutillit tamarmik sullinneqarnerat inatsisitigullu illersugaanissaat siunnersuummi nukittorsarneqarnissaa pingaarnertut saqqummiussissummi tapiliussatut allassimavoq. Matumani pineqartumi ersarissumik akisussaafimmik suliassanillu agguaassisareq eqqarsaatigalugu.

Inuit innarluutillit pisinnaatitaaffii pillugit Naalagaaffiit Peqatigiit isumaqatigiissutaat siunnersuummi pingaarnertut tunngavigitinneqassasoq nalinginnaasumik oqaaseqaatini saqqummiussissummi aallarniutitullu Naalakkersuisut saqqummiuppaat.

2. Siunnersuutip Inatsisartunit siullermeerneqarnera

Inatsisissatut siunnersuut ulloq 22. marts 2019-imi siullermeerneqarpoq inatsisissatullu siunnersuummi pingaarnertut siunertarineqartut ataatsimut isigalugu tapersorneqarlutik. Siunnersuut siullermeerneqarnermini Ilaqutariinnermut Peqqissutsimullu Ataatsimiititaliamut

suliarineqartussanngorlugu innersuussutigineqarpoq. Siunnersuummik aappassaaneerinissamat isumaliutissiisummik Ilaqutariinnermut Peqqissutsimullu Ataatsimiititaliami suliarineqartussamik siunnersuummik siullermeerinermi apeqqutinik arlalinnik, teknikkikkut naalackersuinikkullu ajornartorsiutik qaqitsisoqarpoq. Inuit innarluutillit qanigisaasalu atugaasa annertunerusumik pitsanngorsarlugillu nukittorsarneqarnissaat arlalitsigut naalackersuinikkut eqqumaffigineqartariaqarpoq, suliassat akisussaaffiullu inissinneqarnissaanut kiisalu kommunini sulianik isumaginninnerup, matumani ilanngullugu sulisut sulisullu piginnaasaasa attatiinnarneqarnissaanut tunngatillugu ernumanartoqartoq siullermeerinermi aamma takutinneqarpoq. Kommunini aningaasakilliortoqarneratigut atukkat ajorseriaateqarnerisigut innarluutillit sanngiinnerusarnerat aammalu misigisaraat ilanngullugu oqaatigineqarpoq. Tapersersortit aningaasarsiaqartinneqartarnerannut tunngatillugu ilinniarsimanngitsunut SIK naapertorlugu aningaasarsiaritinneqartartut annikinnerpaaffianik matumani taamaallaat aningaasarsiaqartinneqarnissaat nangaanartinneqartoq siullermeerinermi ilanngullugu saqqummiunneqarpoq.

3. Tusarniaaneq tusarniaanermilu akissuteqaatit

Tusarniaanermi akissutigineqartut inatsisissatut siunnersuummut ilanngussatut ilanngunneqarput, taamaattumik ilusiliineq Inatsisartut siulittaasoqarfiata ilusiliinissamat piumasagaataanut naapertuulluni.

Siunnersuut piffissami 4. oktober-miit 8. november-imut ukununnga tusarniaassutigineqarsimasoq ataatsimiititaliamit maluginiarneqarpoq:

Namminersorlutik Oqartussani Naalackersuisoqarfiit tamarmik, Kommuneqarfik Sermersooq, Kommune Kujalleq, Qeqqata Kommunua, Avannaata Kommunua, Kommune Qeqertalik, Isumaginninnermut Naammagittaalliuuteqartarfik, Tilioq –Innalutillit Illersuisuat, Inuit Pisinnaatitaaffinut Kalaallit Nunaata Siunnersuisoqatigiivi, Inuit Pisinnaatitaaffinut Instituti, Pinerlussimasunik Isumaginnittoqarfik, Kalaallit Nunaanni Politiit, IMAK, SPS, NISIIP, SIK, Kalaallit Nunaanni Naligiissitaanermut Siunnersuisoqatigiit, Kalaallit Nunaanni Timersortartut Kattuffiat, MIO/Meeqqat Illersuisuat, Foreningen Grønlandske Børn, Sorlak, MIBB, Nuna tamakkerlugu peqatigiiffik INOOQAT, ISI, Kræftens bekæmpelse, KNIPK, Nuna tamakkerlugu peqatigiiffik Autisme – Immikkoortortaqarfik Kalaallit Nunaat, KTK, Sugisaq, Nunatsinni Perorsaasut Kattuffiat, Atofillit Kattuffiat

Siunnersuut tusarniaanerup nalaani pisortat tusarniaavianni tusarniaassutigineqarsimanera ataatsimiititaliamit naammagisimaarlugu maluginiarneqarpoq.

Ataani allassimasut tusarniarneqartut 19-t siunnersuutip tusarniaassutigineqarnerani akissuteqarput:

Qeqqata Kommunia, Kommune Kujalleq, Kommuneqarfik Sermersooq, matumani ilanngullugu kommunenimi innalluutilinnut tunngasunik suliaqartut, Kalaallit Nunaanni Timersortartut Kattuffiat, Isumaginninnermut Naammagittaalliuteqartarfik, KNIPK, SIK, Nuna tamakkerlugu peqatigiiffik INOOQAT, Tilioq –Innarluutillit Illersuisuat, Peqqissutsimut Naalackersuisoqarfik, Aningaasaqarnermut Naalackersuisoqarfik, ISI, MIO/Meeqqat Illersuisuat, IMAK, Meeqqat Iuunerissut/Bedre Børneliv, PKK (Det Grønlandske Sundhedskartel), Kalaallit Nunaanni Politiit, Nuna tamakkerlugu peqatigiiffik Autisme – Immikkoortortaqarfik Kalaallit nunaat, Inuit Pisinnaatitaaffiinut Instituti,

Siunnersuummut tusarniaanermi akissuteqartut Namminersorlutik Oqartussat Naalackersuisoqarfii ikittuinnaat akissuteqarsimasut ajuusaarutigalugu ataatsimiititaliamit maluginiarneqarpoq. Tamanna ajuusaarnarpoq, inuimmi innarluutillit atugaat taakkununggalu tapersersuineq innuttaasut pisariaqartitaannut tamakkiisumik nalilersuineramik tunngaveqartussaammat. Aatsitassaqarnermut Suliffeqarnermullu Naalackersuisoqarfik aamma Ilinniartitaanermut, Kultureqarnermut Ilageeqarnermullu Naalackersuisoqarfik siunnersuummut oqaaseqaateqanngilaq, tamanna eqqumiigineqarsinnaavoq. Kommunit ilaannaat kisimik siunnersuut oqaaseqarfigimmassuk ataatsimiititaliamit ilanngullugu maluginiarneqarpoq.

Tusarniaanerup ingerlanneqarsimanera ataatsimut isigalugu ataatsimiititaliamit tusaatissatut tiguneqarpoq tusarniaanermilu akissuteqartunut qujalluni.

4. Siunnersuutip ilusiligaanera

Inatsisissatut siunnersuutip UPA 2019-imili nassiunneqarmalli ilusiligaanerata pitsaassusaa annertunerusumik qulakkeerniarlugu inatsisit kalaallisut oqaasertalersugaanerat immikkut sammineqarsimasut ataatsimiititaliamit ilisimaneqarpoq.

13. februar 2019-imi inatsisissatut siunnersuummut taartissamik iluarsiiisummik ulloq 12. marts 2019-imi agguaassisoqarpoq. Siunnersuutip kalaallisuuani oqaatsitigut annikitsumik naqqiuteqarnerit saniatigut siunnersuummi § 11, imm. 1, nr. 3 aamma § 44, oqaaseq “allanngutsaaliuilluni sungiusarneq” ukuninnga “piginnaanngorsaaneq”-ermik aamma “piginnaanngorsaqqinneq”-nermik taarserneqarpoq. Inatsisartut allattoqarfianni nutserisut kukkunerisuinerisigut inatsisip kalaallisoortani aaqqiinerit ingerlanneqarput, imarisamigullu allanngortinneqarani.

Taamatutaaq inatsisissatut siunnersuutip allassimaneranut iluarsiiinerup kingunerisaanik siunnersuummi 13. februar 2019-imi nassuiaatigineqartunut iluarsiiisutit ulloq 12. marts 2019 agguaanneqarput.

5. Ataatsimiititaliap siunnersuummik suliarinninnera

Siunnersuummik ataatsimiititaliap suliaqarnera ulloq 18. marts 2019-imi siunnersuutip ilusiligaanerata misissorneqarneranik aallartinneqarpoq. Siunnersuummik naalackersuinikkut naliliisoqartinnagu ataatsimiititaliamit suussusersineqarsimasunik inatsisissatut siunnersuummik misissuinermi saqqummiussisoqarpoq, inatsissatullu siunnersuut sukumiinerusumik misissorneqarluni aammalu tamatuma ilusiligaanera ilanngullugu, aalajangersakkat aammalu atukkat pingaartillugit sammineqarlutik.

Ulloq 1. april 2019 ataatsimiititaliap aamma Nunatsinni Inuit Innarluutillit Kattuffiat (NIIK) ataatsimeeqatigiipput, ulloq 9. november 2018-mi nuna tamakkerlugu innarluutillit peqatigiiffiit sisamaasunit aallartinneqartoq.

1. INOOQAT – Nunatsinni ineriartormikkut kingusissut angajoqqaavisa peqatigiiffiat
2. ISI – Nunatsinni tappiitsut isigiarsuttullu peqatigiiffiat
3. Kalaallit Tusilartut Kattuffiat (KTK)
4. Nuna tamakkerlugu peqatigiiffik Autisme – Immikkoortortaarfik Kalaallit Nunaat.

Ulloq 12. december 2018 peqatigiiffik Sugisag NIIK ilaasortat tallimaattut ilanngunneqarpoq.

Ulloq 8. april 2019 ataatsimiititaliap Innarluutillit Illersuisuanik ataatsimeeqateqarpoq.

Tamatuma saniatigut siunnersuut Ilaqutariinnermut Peqqissutsimullu Ataatsimiititaliami ataatsimiittarnermini arlaleriarluni eqqartorneqartarlunilu suliarineqartarpoq.

5.1. Siunnersuut pillugu ataatsimiititaliap aallarniutigalugu oqaaseqaatai isumaliutaalu.

Annertuumik innarluutilinnut ikiorsiisarneq pillugu Inatsisartut peqqussutaat nr. 7, 3. november 1994-imeersup taartissaanik inatsisissatut siunnersuut sivisuumik utaqqineqarsimasumik saqqummiisoqarnera aallarniutigalugu ataatsimiititaliamit nuannaarutigineqarpoq.

Ukiuni kingullerni 25-imi innarluutilinnut atugassarititaasut annertuumik ineriartorsimapput, taamaattumillu piffissanngorpoq inatsisitta naleqqussarneqarnissaanut nutarterneqarnissaanullu, taamaalilluni ineriartoqataasinnaaqullugu, tamatumunnga ilanngullugit periarfissat aamma pisussaaffiit kiisalu naalakkeruisunikkut siunniussat anguniakkallu.

Siunnersuummi pingaarnertut siunertarineqarlutik saqqummiunneqartut ataatsimiititaliamit tapersorneqarput. Saqqummiussisummi oqaatigineqartut ataatsimiititaliamit isumaqatigineqarput, taamaattumik siunnersuutikkut ***inuit innarluutillit taakkunungalu ilaqutaasut illersorneqarlutillu ikiorserneqassapput***, taamaaliornikkullu innuttaasoq suliniuteqarnermi qitiutinneqassalluni, taamaaliornikkullu ilaqutaasut peqataatinneqarlutik ataasiakkaatut tamakkiisumillu tapersersuinissamut tunngavileeqaataassalluni peqataassallunilu. Inunnut innarluutilinnut inatsisitigut isumannaatsumik inissisimanissaq sullissinissarlutik

namminermi tapersorsorneqarnissaa ilanngullugu siunnersuummi siunertaavoq.

Tulliuttuni immikkuullarissumik pisimasut, aalajangiinernut, nalunaaruteqarnernut, suliniuteqarnernut, siunnersuuteqarnernut, suliassanut, allanullu innarluuteqarnernut tunngasuteqartunut atatillugu ukiuni kingullerni pingaarutilimmik pisoqarfiusimasoq siunnersuummik matuminnga suliaqarnermi ataatsimiititaliamit immikkut maluginiarneqarpoq:

► **Inuit innarluutillit pisinnaatitaaffii pillugit Naalagaaffiit Peqatigiit Isumaqatigiissutaat.**

Inuit innarluutillit pisinnaatitaaffii pillugit Naalagaaffiit Peqatigiit Isumaqatigiissutaat ulloq 13. december 2006-imi Naalagaaffiit Peqatigiit ataatsimeersuarneranni akuersissutigineqarpoq. Danmarkip isumaqatigiissut Kalaallit Nunaannut nangaanertaqanngitsumik ulloq 24. august 2009-mi atuutillersumik atortussanngortippaa, taamaaliornikkut Naalagaaffiit Peqatigiit innarlutillit pillugit isumaqatigiissutaat piffissami tassani Kalaallit Nunaannut atuutillersinneqarpoq. UKA 2012/101 pillugu aalajangiiffigisassatut siunnersuutit akuerineqarneratigut pisortatigoortumik Isumaqatigiissut nangaanertaqanngitsumik Kalaallit Nunaata ilannguffigaa.

Ataatsimut isigalugu ima isumaqarpoq, inuit innarluutillit pisinnaatitaaffii pillugit Naalagaaffiit Peqatigiit Isumaqatigiissutaanut eqqartuussiveqarneq pillugu maleruagassanut allaffissornikkullu naapertuuttumik naleqqussarnissamut tulluarsarnissamullu Kalaallit Nunaat pisussaaffeqarpoq.

► **Innarluutilinnut isumaqatigiissuttip kommuninut nuunneqarnera.**

1. januar 2011 aallarnerfigalugu innarluutilinik isumaginninneq kommuninut nuunneqarpoq. Ulloq 14. april 2016-imi innarluutillit isumagineqarnerisa nuunneqarnerata nililivigineqarnera tamanut saqqummiunneqarpoq. Naliliisimaneq pillugu nalunaarusiami paasissutissiisutigineqartoq naapertorlugu naliliineq siumut isigisumik periusissiamik iliuusissatullu pilersaarummik ilaatigut pingaartumik isumaginninnikkut ilinniarsimasat, sulianik isumaginninnerup il.il. nukittorsarneqarnissaanik malitseqartussaq.

► **Inuit innarluutillit pisinnaatitaaffii pillugit Naalagaaffiit Peqatigiit isumaqatigiissutaat pillugu nassuiaat.**

Nalunaarusiaq pineqartoq Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiup oktober 2012-imi saqqummersippaa.

► **Kalaallit Nunaanni Inuit Pisinnaatitaaffii – 2016-imi killiffik.**

Inuit Pisinnaatitaaffiinnut Kalaallit Nunaata Siunnersuisoqatigiivisa Inuit Pisinnaatitaaffiinnut

Ingerlatsivik peqatigalugu *meeqqat inuusuttullu innarluutillit tikikkuminaartuunissaq, ilinniartitaanerlu* immikkut killiffik pillugu nalunaarummi pineqartumi kapitali 4-mi sammineqarpoq. Matumani malittarisassat atuuttut inunnut innarluutilinnut sanilliullugu Naalagaaffiit Peqatigiit isumaqatigiissutaat matumani aallaavigineqarpoq.

► **Innarluutilinnik sullissinerup killiffia pillugu Naalackersuisut nassuiaataat.**

Siunnersuutip matuma saqqummiunneqannginnerani innarluutilinnik sullissinerup killiffia pillugu Naalackersjuisut nassuiaataat kingulleq ulloq 18. august 2016-mi tamanut saqqummiunneqarpoq.

► **Kalaallit Nunaat Innarluutilinnut Illersuisoqalerpoq.**

Innarluutillit Illersuisuannik Inunnut Innarluutilinnut illersuisoqarfimmik ingerlatsisussaq pillugu inatsisissatut siunnersuut UPA 2017-imi Inatsisartunit akuerineqarpoq. Ulloq 1. november 2017 Kalaallit Nunaanni suillersaalluni Innarluutillit Illersuisuat sulilluni aallartiippoq. Innarluutillit Illersuisoqarfiat atserneqarpoq TILIOQ. Innarluutillit Illersuisuatta sulinissaanut sammineqartussallu aallartinneqareersunut Inunnut Innarluutilinnut tunngasut sammitinneqartuarnissaat Naalackersuinermik suliaqartunit annertuumik isumalluarfigineqarpoq.

► **Nuna tamakkerlugu Inunnut Innarluutilinnut Sullissivik.**

Nuna tamakkerlugu Innarluutilinnut Qitiusumik Sulissivik – Pissassarfik – Sisimiuni ulloq 19. Februar 2018-imi ammarneqarpoq. Pissarfik inunnut innarluutiartut nuna tamakkerlugu ilisimasanik, siunnersuisarfittut sungiusarfittullu atuutissaaq, innarluutilinnut tunngasuni qanigisaasunullu aamma sulisunut tunngasut nikittorsarneqarnissaannut sammisassarpasuaqarpoq. Nuna tamakkerlugu Innarluutilinnut qitiusumik sulissivimmi pissutsit Inatsisartut inatsisaanni §§ 11 -12 aamma siunnersuummi § 44 malinneqarput.

► **Innarluutilinnik sullissinermi sulisut ilinniartinneqarnissaat, ilinniaqqinnissaat pikkorissartinneqartarnissaallu qulakkeerniarlugu periusissiap iliuusissatullu pilersaarutip akuerineqarnera.**

UPA 2014/111-mut aalajangiiffigisassatut siunnersuut UPA 2014-imi Inatsisartut akuersissutigaat, taamaattumik innarluutilinnik sullissinermi sulisut ilinniartinneqarnissaannik piginnaasaasalu qaffassarneqarnissaannut pisariaqartitsineq aallaavigalugu UPA 2015-imi innarluutilinnik sullissinermi sulisut ataavartumik ilinniartitaanissaannut, ilinniaqqinnissaannut pikkorissarneqarnissaannullu pisariaqartitanik siumut isigisumik naammassininnissamut periusissiamik iliuusissatullu pilersaarummik saqqumiussisoqarpoq.

► **Inuit innarluutillit taakkulu qanigisaasa atugaasa Inatsisartunit sammineqarnerat.**

Innarluutilinnut tunngasumi inatsit, inuit innarluuteqartut atugaasa nukittorsarneqarnissaannik kiisalu inuit innarluutillit qanigisaasa atugaasa pitsanngorsarneqarnissaannik sammisaqarluni

ingerlaavartumik oqallittoqarlunilu siunnersuummik suliaqartoqarpoq. Tamatumunnga ilanngullugu innarluutilinnut tunngasuni soqutigisaqarnertik tamatumalu nukittorsarneqarnissaa eqqumaffigineqarnissa ingerlaavartumik allakkatigut apeqquteqartarnermikkut Inatsisartunut ilaasortat takutittarpaat. Innarluutilinnut tunngasut nukittorsarneqarnissaat pillugu naalackersuinikkut kissaatigineqartut amerlammata ataatsimiititaliamit maluginiarneqarpoq.

► **Ataatsimeersuarneq isumasioqatigiinnerlu.**

Inuit innarluutillit qanigisaasa akornanni suleqatigiinnerup nukittorsarneqarnerata kingunerisaanik innarluutilinnullu tunngasutigit naalackersuinikkut sammisaqarnerulerup innarluutilinnut pillugit ataatsimeersuartarnerit isumasioqatigiittarnerillu ukiut ingerlanerini ingerlanneqartarput. Aaqqissuussinerit ataatsimut pitsanngorsaansam ineriartornernillu pisariaqartinneqartunik erseqqissaaqataasut. Ukiuni kingullerni aaqqissuussinerit ataani allassimasut erseqqissaatigineqarput:

- Ulloq 26. marts 2014 Nuummi ataatsimeersuarneq. *Kalaallit Nunaanni ineriartornermikkut akornutillit ullumikkut – unammilligassat periarfissallu.*
- Meeqqat inuusuttullu ineriartornermikkut akornutillit pillugit ulluni 14.-15. juni 2014 Nuummi isumasioqatigiinneq.
- Ulluni 17.-19. marts 2017 Nuummi autisme pillugu ataatsimeersuarneq.
- Ulluni 22.-23. marts 2017 Nuummi tarnikkut nappaatit pillugit ataatsimeersuarneq.

Aaqqissuussinerit allat aamma taaneqarsinnaagaluarput, qulaanili taaneqartut Kalaallit Nunaannut atatillugu innarluutilinnut tunngatillugu naalackersuinikkut samminninnermut ersiutaasutut oqaatigineqarsinnaapput.

5.1.1. Apeqqutit

Ataatsimiititaliap siunnersuummik suliqarnerminut atatillugu apeqqutit arlarllit akeqqullugit pillugu Peqqissutsimut, Isumaginninnermut Inatsisinillu Atuutsitsinnermut Naalackersuisoq qinnuigaa.

Siunnersuummut atatillugu inatsisissatut siunnersuutip ilusiligaaneramik misissuinermik apeqquteqarneq siulleq ingerlanneqarpoq.

Peqqissutsimut, Isumaginninnermut Inatsisinillu Atuutsitsinnermut Naalackersuisumit 15. marts 2019-imi akissuteqaataata assilinera **ilanngussaq 1**-itut ilanngunneqarpoq.

Naqinnernik ilisarsisinnaangitsut pillugit Peqqissutsimut, Isumaginninnermut Inatsisinillu Atuutsitsinnermut Naalakkersuisup 5. april 2019-imi malitseqartitsilluni akissuteqaataa **Ilanngusaq 2**-tut ilanngunneqarpoq.

Siunnersuummik siullermeerinerup kinguninngua apeqquteqarnerup aappa ingerlanneqarpoq.

Peqqissutsimut, Isumaginninnermut Inatsisinillu Atuutsitsinnermut Naalakkersuisumit 24. april 2019-imi akissuteqaataata assilineru **Ilanngusaq 3**-itut ilanngunneqarpoq.

Siunnersuummik suliaqarnermi akissuteqaatit tunniunneqartut aalajangiinissamut tunngaviliiniarnermi ataatsimiititaliamut qularunnaarsitseqaataasimasut ataatsimiititaliamit uppersarneqassaaq.

5. 2. Inatsisissatut siunnersuutip saqqummiunneqartup ataatsimiititaliamit sukumiinerusumik naliliivigineqarnera.

5.2.1. Siunnersuummi siunertarineqartoq anguniarneqartullu.

Siunnersuummi §§ 1-5-imi siunertarineqartut anguniakkallu tunngaviusumik ataatsimiititaliamit tapersorneqarput. Siunertarisaanut anguniarneqartutullu saqqummiunneqartut malinneqarnissaat eqqarsaatigalugu qularnanngitsumik unammillernartoqassaaq, taamaattumik siunertarineqartoq anguniakkallu allanneqartut tamarmik aammalu piviusunngortinneqarnissaasa qulakkeerneqarnissaannut siunnerfilimmik periusissiamik immikkullu suliniuteqarnissamik siunnersuut malitseqartinneqartariaqarpoq. Siunertaq anguniakkallu inunnut ataasiakkaanut pineqartunullu suna pitsaanerunersoq aallaavigineqarsimasoq ataatsimiititaliamit immikkut maluginiarneqarpoq. Innuttaasunut innarluuteqartunut tamakkiisumik isiginnilluni ataqatigiissumillu eqqarsartoqartariaqarpoq, aammalu suliniutigineqartunut ataqatigiissaarisooqartariaqarpoq pisortaniillu aammalu oqartussat allat akornanniit ataqatigiissaarisooqartariaqarluni.

Innarluutilinnut tunngasuni kisitsisinik ilisimasanillu allanik katersineq suliniuteqarfigineqassaaq, taamaaliornikkut nuna tamaat naalakkersuinermik suliniuteqartunit inatsisip atortuulersinneqarnera malinnaavigineqarsinnaaqqullugu, pisariaqartitsinerlu naapertorlugu atugarissaarnerup ineriartortinneqarnissaa siunertarineqartut takorluukkallu ingerlaqatigiinnissaasa qulakkeerneqarnissaat ilanngullugu periarfissinneqarsinnaaniassammata. 14. april 2016-imi Ilisimatitsinermi innarluutilinnik isumaginninnerup nalilersorneqarnerata nassuiarneqarnera toqqaannartumik piviusumillu paasissutissiissutigineqarpoq, innarluutillit pillugit kisitsisit paasissutissat piffissami, pitsaassutsimikkut amerlassutsimikkullu pisariaqarsimasut taamaannissaatalu aalajangiisuunissaa ataatsimiititaliamit pingaartinneqarpoq. Siunnersuummi § 76 ataatsimiititaliamit maluginiarneqarpoq, taamatullu isikkoqartillugu ataatsimiititaliap

tapersorsorpaa. Siunnersuummi § 76, imm. 2 naapertorlugu *kisitsisitigut paasissutissat* aaneqartussat pillugit Naalakkersuisut *malittarisassiornissamut* pisussaaffilerneqarput.

Piginnaatitissut tamanna sapinngisamik piaartumik Naalakkersuisunit atorneqalernissaa ataatsimiititaliamit **kaammattuutigineqassaaq**, taamaalliornikkut amerlassutsinik pitsaassutsinillu kisitsisitigut paasissutissanik pissarsisoqarsinnaanera qulakkeerneqarsinnaaqqullugu.

Inuit innarluutillit ilinniartitaanerannut suliffeqarnerannullu tunngatillugu annertunerusumik paasissutissanik pissarsiniarnissap pisariaqartinneqarnera naalakkersuinikkut erseqqissaatigineqassaaq, taamatuttaaq siumut isigisumik ulloq unnuarlu neqeroorutunik allanillu inunnut innarluutilinnut tapersersuutaasinnaasunut il.il. ineriartortitsinermi atugassanik aningaasaliinissarlu eqqarsaatigalugit pineqartumi paasissutissanik pisariaqartitsisoqarpoq.

Inunnut innarluutilinnut siunnersuummi § 4 piumasqaataasut naapertorlugit namminneq inigisaminni najugaqarfinniluunniit neqeroorutigineqartuni naleqquttumik ikiorserneqarnissamut periarfissaqarnera ataatsimiititaliamit iluarisimaarneqarpoq. Siunnersuummi kapitali 8-mi ikiorsiissutit pillugit inuk innarluutilik nammineq angerlarsimaffimmini najugaqarpat inuttut ikiorserneqarnissaminut isumassorneqarnissaanullu periarfissaqqartoq allassivoq.

5.2.2. siunnersuummi pineqartut tak. §§ 6-7 – Inuit innarluutillit.

Siunnersuummi § 6 immikkut eqqumaffigalugu ataatsimiititaliami oqaluuserineqarlunilu suliarineqarpoq.

Pineqartunut malittarisassat annertusineqarsimaneri naammagisimaarlugu ataatsimiititaliamit maluginiarneqarpoq, taamaalilluni ilaatigut utoqqalinersiallit utoqqalinersiaqalernissamut piffissap atuutilerfiani utoqqalinersiaqalersimasut inunnut innarluutilinnut ikiorsiisarneq pillugu malittarisassanut ilaasutut paasineqarsinnaalerniassammata, tassami siunnersuummi qanoq utoqqaatigineq malittarisassani apeqqutaanngimmat, inuit innarluutillit pineqarmata ukiut apeqqutaatinnagit. Taamaalilluni UPA 2014/64-imut aalajangiiffigisassatut siunnersuut, UPA 2014-imi tamakkiisumik akuerineqartup pisariaqarneratut isigalugu atortuulersinneqartariaqarpoq.

Siunnersuummi § 6, imm. 2-mut tunngatillugu inuit innarluutillit, matumani *annertuumik innarluutillit* pineqaratik, inatsimmi matumani ikiorsiissutunik pisartagaqalernissaasa inatsimmi ilanngunneqarnissaat nassuiaatini oqaatigineqarmat ataatsimiititaliamit ilanngullugu maluginiarneqarpoq. Tassa imaappoq siunnersuummi § 6, imm. 2 pineqartut ataatsimut inatsimmut siulianut sanilliullugu sullinniakkat inunnut innarluutilinnut malittarisassat

naapertorlugit qinnuteqarnissamut ikiorserneqarnissamulluunniit periarfissaqarput.

5.2.2.1. Meeqqat innarluutillit immikkut – Siunnersuummi § 7.

Meeqqat innarluutillit illersoriarsinnaanatik qajannartumillu inissisimapput, taamaattumik meeqqanut innarluutilinnut ataqatigiissaakkamik suliniuteqarnissap, meeqqanut ikiorsiisarneq pillugu malittarisassanut atuuttunut ilaasut siunnersuummi § 7-imi ersarissaaviginiarneqarmata ataatsimiititaliamit naammagisimaarneqarpoq.

5.2.3. Qaaguukkut innuttaasoq inatsisissatut siunneruummi matumani ilaatinneqassava?

Inuk innarluuteqarpat malittarisassat atorneqarsinnaasut siunnersuummi § 6-imi aalajangersagaavoq.

Inunnut innarluutilinnut maanna malittarisassat nunatsinni innuttaasunut qaqugu atuutilersinneqassanersut isummerfigineqarnissaannut kommunini oqartussaasunit isummerfigineqarnissaa, tamatumalu kingorna *inuit innarluutillit pisariaqartinneqartumik kommunalbestyrelsimit tapersersuisarnissaat* ataatsimiititaliamit isummerfigineqarpoq, innuttaasullu kommunini assigiinngitsuni apeqqutinut taakkununga atatillugu assigiinnersumik suleriuseqarnissamut nalilersuisarnissamullu kommuninit assigiinngitsunit qanoq qulakkeerneqarsinnaanersoq, malittarisassani matumani innuttaasoq ilaatinneqarnissaanut anniaatit, arlaannik eqqorneqarsimasut imaluunniit nappaateqalernermik kinguneqartut ilanngullugit inuit innarluutillit tapersersorneqarnissaat pillugu siunnersuummi § 8, imm. 1 ataatsimiititaliamit isummerfigineqarpoq.

Tamatumunnga atatillugu siunnersuummi § 22 kapitali 4, tamatuma kingunerisaanik innuttaasup qanoq annertutigisumik innarluuteqarnera apeqqutaatillugu malittarisassat maanna atuuttut aallaavigalugit innuttaasup tapiissutisisinnaanera kommunalbestyrelsi aalajangiinissamut pisinnaatitaaffini naapertorlugu aalajangiisinnaasoq ataatsimiititaliamit maluginiarneqarpoq.

Sianissutsikkut timikkulluunniit innarluuteqarneq inunnguusaasinnaavoq, inummulli assersuutigalujgu ajutoornikkut napparsimanikkullu takkussinnaasarluni. Innarluutit ilaat erninermi tamatumaluunniit kingunitsianngua suussusersineqarsinnaasarput, meeqqanuli innarluuteqariaatsit allat ilaat meeraanermi inuusuttunngorermluunniit aatsaat suussusersineqarsinnaasarlutik. Tanikkut nappaateqarneq innarluuteqarnerluunniit inunnguusaasinnaapput, amerlasuutigilli inuusuttunngornermi inuunerulluunniit ingerlanerani kingusinnerusukkat takkussinnaasarlutik. Nappaat annertusiartorsinnaavoq, peqqinnissaqarfimmi suussusersiuinerit aallartinneqartarlutik, piffissallu ingerlanerani timip pisinnaasaanik annaasaqarnermik kinguneqarsinnaasarluni sianissutsillu annikillisinnaasarlutik.

Nappaaterpassuit nappaataapput annertusiartortartut, arriitsumik immikkut tamarmik annertusiartortartut, assersuutigalugu timi ajorsiaruinnarsinnaasarluni, taamaasilluni piffissap ingerlanerani inuttut innarluutilittut pissuseqalersinnaasarluni. Sklerose, muskelsvind aamma gigterneq tamatumunnga takussutissaasinnaapput. Tamatumunnga ilanngullugu puigortunngortut sianissutsikkut sanngiilliartuinnartut ataatsimiititaliamit eqqaaneqarsinnaapput. Innuttaasut akornanni sukkortorpassuupput, ajornerpaagaangami timikkut kingunerluuteqalernermik soorlu sianissusermik timikkullu avatitigut annaasarnermik kinguneqarsinnaasartunik.

Naalliuuteqarpugut aamma assersuutigalugu qanittumut ungasissumulluunniit isigiarsunermik, inuit taama eqqugaasut isiluutunik taaneqartunik eqqugaasimasut ullui iluamik ingerlasinnaasaratik, naalliuutaat isarussanik, kontaktlinceinik imaluunniit suliaritinnikkut ikiorserneqanngikkunik.

Inunnut innarluutilinnut ikiorsiisarneq pillugu maleruagassat maannakkut atuuttunut inuit nappaatinik taaneqartunik naalliuutillit qaqugukut pineqarnersut kiisalu kommunit assigiinnerusumik paasinnittalernissaasa sulissutigineqarnissaanut qulakkeerisoqarnissaa apeqqutaaginnalerpoq?

Siunnersuummi § 8, imm. 1 aamma siunnersuummi § 22 innersuussutigalugit inunnut innarluutilinnut ikiorsiisarneq pillugu malittarisassani qanoq ilinikkut ilanngunneqarsinnaanersut qanorlu kinguneqassanersoq pillugu ataatsimiititaliap qisuariaataanut tunngatillugu Peqqissutsimut, Isumaginninnermut, Inatsisinillu Atuutsitsinnermut Naalakkersuisumut ataatsimiititaliaq apeqquteqarpoq. Apeqquteqaammut 1-6-imut akissutigineqartoq Ilanggussa 3 ataatsimiititaliamit innersuussutigineqassaaq. Tamatumunnga atatillugu apeqquteqaammut akissutigineqartoq ataatsimiititaliamit tusaatissatut tiguneqarpoq.

Siunnersuummi §§ 6-7 innersuussutigalugit inuit innarluutillit pisortanit sukkasuumik akuerineqarlutik nalunaarsorneqartalernissaat ataatsimiititaliamut pingaaruteqartorujussuuvoq, taamaaliornikkut inuit pineqartut inuttut pisariaqartitsineq naapertortulugu sutigut tamatigut ikiorserneqarnissamat pisariaqartitsisut ikiorserneqarsinnaaqqullugit. Inuit innarluutillit pineqartillugit assersuutigalugu peqqinnissakkut, isumaginnikkut imaluunniit atuarfeqarfik pillugu pisortanit akuerisaasumik aallaqqaataaniit aallartittoqassatillugu pisorta qarfinniit pisorta qarfinnut uteqattaartarnerit ilaqaataasut amerlasuut misigisarpaat.

5.2.4. siunnersuummi kapitali 2 – *Piginnaasat akisussaaffillu pillugit*

Kommunit tapersiinissamat periarfissanik pisariaqartunik peqarnissaannut kommunit qularnaveequsiinerinut atatillugu, inunnut innarluutilinnut tapersiinissamat periarfissanik

pisariaqartunik peqarnissaa qulakkiissallugu kommunit ataasiakkaat akisussaaffigigaat ataatsimiititaliamit maluginiarneqarpoq.

Siunnersuummi § 8, imm. 2-mut atatillugu kommunit najugaqarfissatut neqeroorutinit atatillugu, matumani ilanngullugu najugaqarfiit najugaqarfiillu illersugaasut pineqartumi suleqatigiittoqarnissaanut periarfissaqartoq oqaaseqaatini allassimasoqarnera naammagisimaarlugu ataatsimiititaliamit maluginiarneqarpoq.

Suleqatigiinnerit taamaattut ataatsimiititaliap tapersorsorpai, pineqartunilu pisariaqartoq isumaqarfigalugu, taamaaliornikkut pineqartumi nukiit piginnaasallu qaffassarneqarsinnaaqullugit.

Inunnut innarluutilinnut pisariaqartunik tapersiinissamut periarfissanik qulakkeerinninnissaq siunertaralugu siunnersuummi § 8 naapertorlugu kommunalbestyrelsit akisussaaffigigaat ersarilluinnartumik allassimavoq. Tapersiinissamut periarfissat ilagaat najugaqarfinni illersugaasuni aamma najugaqarfinni aamma najugaqatigiiffinni sukkulluunniit najugaqarnissamut neqerooruteqartoqartarnissaanut qulakkeerinninnissamut pisussaaffiliisoqarmat.

Pineqartumi malittarisassani atuuttuni § 9-mut siunnersuut ataatsimiititaliamit ilisarineqarsinnaavoq, tassani allassimavoq *Inunnut innarluutilinnut ulloq unnuarlu neqeroorutini inissat pisariaqartinneqartut amerlassuseqarnissaat Naalakkersuisut isumagissavaat.*

Meeqqat tapersorsorneqarnissaat pillugu Inatsisartut inatsisaanni nr. 20, 26. juni 2017-imeersumi § 33, imm. 1-imi aalajangersagaq assingusoq ataatsimiititaliamit nassaarineqarpoq, tassani allassimavoq, *Ulloq unnuarlu paaqqinniffinni inissat pisariaqartinneqartut amerlassusillit pigineqarnissaat Naalakkersuisut isumagissassaraat, tassunga ilanngullugit ulloq unnuarlu paaqqinniffiit immikkoortortaqaqarfiini isumannaallisakkani inissat.*

Siunnersuummik matuminnga suliaqarnermut atatillugu siunnersuummi § 9 pillugu ataatsimiititaliaq apeqquteqarpoq, tamatumunngalu atatillugu ilanngussaq 1-imi apeqqut 4-mut akissuteqaat innersuussutigalugu.

Tamatumunnga atatillugu siunnersuummi § 21 ataatsimiititaliamit innersuusutigineqassaaq, tamatuma kingueranik ulloq unnuarlu neqeroorutinit tunngatillugu nuna tamakkerlugu periusissiamik suliaqartoqassaaq tamannalu siullermik 2021-imi pissaaq. Pisariaqartitsineq, nutaaliornissamillu ujartuineq ataatsimiititaliamit tapersorsorneqartoq.

Siunnersuummi §§ 11-12, nuna tamakkerlugu Innarluutilinnut Sullissivik Sisimiuni pilersinneqarsimasumut tunngatillugu ilusissaatut siunnersuutigineqartoq ataatsimiititaliamit

tusaatissatut tiguneqarpoq, ataatsimiititaliamiillu tusaatissatut tiguneqartut Ilanngussaq 3-mi apeqquteqaatinut 14-16-mut akissuteqaatit innersuussutigalugi, sungiusaqqittarnermullu tunngatillugu peqqinnissaqarfiup atuuffianut akisussaaffiit tunngasut nassuiarneqarnerat ilanngullugu.

5.2.5. Siunnersuut pillugu ingerlaqqinneq.

Siunnersuut annertuvoq, inunnullu innarluutilinnut tunngatillugu malittarisassanik pisinnaatitaaffiinnullu kommunalbestyrelinut kommunillu aqutsinerinut miserrattissaanngitsumik annertuumik piumasaaqateqarfiulluni.

Kommunini inunnik ilinniarsimasunik pisariaqartitanik tigungminniinnarsinnaaneq attassiinnarsinnaanerlu eqqarsaatigalugit malittarisassanik aqutsineq taamaalillunilu inuit innarluutillit pineqartut pisinnaatitaaffiisa atugaasalu attatiinnarneqarsinnaaneri ataatsimiititaliamit ernumanartoqartinneqarpoq.

Ataatsimiititaliap ernumassuteqarnerata kingunerisaanik, nakkutilliinermut atatillugu ataatsimiititaliaq arlalinnik apeqquteqarpoq, tak. Ilanngussaq 3-mi akissut, nr. 19-20, ataatsimiititaliamit tusaatissatut tiguneqartumi.

Ataatsimiititaliap apeqqutaanut nr. 33-imut Ilanngussaq 3-mi akissutigineqartumi siunnersuuttip sunniutigisinnaasanik nalilersuinermi ataatsimiititaliamit qitiutinneqarpoq. Aalangiiffigisassatut siunnersuummi UPA 2019/48-mut Naalagaaffiit Peqatigiit Innarluutillit Pillugit Isumaqatigiissutaanut attuumassuteqartoq akissuteqaammi innersuussutigineqarpoq. Ataatsimiititaliap apeqqutaanut nr. 33-imut akissuteqaat UPA 2019/48-mut aalangiiffigisassatut siunnersuut inaarutaasumik akuerineqartutut isigineqassaaq.

5.2.6. Siunnersuummi Kapitali 12 tikeraarluni angalanerit pillugit immikkut.

Siunnersuummik siullermeerinermi aamma siunnersuummik ataatsimiititaliap nalilersuinerani siunnersuummi Kapitali 12 tikeraarluni angalarnerit sammeneqarput. Tikeraarluni angalarnerit isumaliutissiisummi matumani Ilanngussaq 3-mi ataatsimiititaliap apeqquteqaataanut 29-31-imut akissutigineqartut innersuussutigineqassapput.

Tikeraarluni angalanermi pisinnaatitaanermut tunngatillugu siunnersuummi ukiut apeqqutaatinneqartut ataatsimiititaliamit maluginiarneqarpoq. Pingaartumik inunnullu annertuumik innarluutilinnut, sianissutsimikkut annertuumik innarluutilinnut ajornartorsiutaalersinnaammat, ukiorisanut sanilliullugu sianissutikkut ukiorisat ineriartornerlu imminnut attuumassuteqanngimmata. Inuk innarluutilik 30-inik amerlanerusunilluunniit ukioqarsinnaavoq sianissutsikulli ineriartornikkut tallimanik ikioqartutut pissuseqarsinnaalluni. Tamanna siunnersuummi saqqummiunneqartumi malittarisassanut tunngatillugu ajornartorsiutaavoq.

Siunnersuummi § 54 ataatsimiititaliamit sukumiisumik oqaluuserineqarput. Inunnut pineqartunut tunngatillugu, pineqartut 24-t ataallugit imaluunniit qaangerlugit ukiullit § 54 imm. 3 nappertorlugu immikkoortinneqassanngitsut ataatsimiititaliamit naalackersuinikkut isumaqarfigineqarpoq. § 54 naapertorlugu pisinnaatitaaffeqaraanni aamma taanna 24-inik ukioqalereernermi attatiinnarneqassaaq.

Tamatuma kingunerisaanik § 54-imut siunnersuummut allannguutissatut siunnersuummik Naalackersuisut saqqummiusseqqullugit ataatsimiititaliamit kaammattorneqarput, taamaaliornikkut ataatsimiititaliap kissaataa naammassineqarsinnaaqqullugu aammalu 24-inik ukioqalereersimagaluaranniluunniit pisinnaatitaaffik tamanna annaaneqassanngimmat.

5.2.7. Siunnersuutip aningaasatigut kingunerisassai

Siunnersuutip piviusunngortinneqarnissaanut aningaasatigut kingunerisassai siunnersuummi nalinginnaasumik oqaaseqaatini allaaserineqarput, tamatumunngalu iluarsisut innersuutigineqarlutik.

Siunnersuutip aningaasatigut kingunerisassai pillugit allattorsimafinni skema atorineqartoq nalinginnaasumik oqaaseqaatini eqikkarneqarsimapput.

Aningaasartuutaanerusussat mio. kr.	2020	2021	2022	2023
Inunnut innarluutilinnut Sullissivik Nunamut Tamarmut Atuuttoq	2,1	2,1	2,1	2,1
Oqilisaassivimmiinneq	5,1	5,1	5,1	5,1
Nuunnissamut ikiorsiissutit	0,5	0,5	0,5	0,5
Illersorti	4,5	4	4	4
Allaffissornikkut kingunerisassat nalinginnaasut	4	4	4	4
Inunnut innarluutilinnut siunnersuisooqatigiit, innarluutilinnut politikkit aamma pitsaassusissanut malitassat	1,5	1,5	1,5	1,5
Tikeraarluni angalasarnit	1,0	1,0	1,0	1,0
Nakkutilliinerup patajaallisarnera	2,75	2,75	2,75	2,75

Piviusunngortitsinermi allaffissornermut malitseqartitsinernullu aningaasartuutaanerusussat	1,5	2	1,5	1,5
Inatsimmik nalunaarutinillu piviusunngortitsinermi aningaasartuutaanerusut	3,1	3,6	3,1	2,1
Katillugit	26,1	26,6	25,6	24,6
Sanaartornermut aningaasartuutit	1,5	1,5		

Oqaaseqaatini saqqummiunneqartut ataatsimiititaliamit tusaatissatut tiguneqarput, siunnersuutillu aningaasatigut allaffissornikkullu kingunerisassai missingersorlugit naliliivigineqarneri apeqqummut 5-imut akissuteqaammi Ilanngussaq 1-imi allanneqarsimasoq ilanngullugu innersuussutigalugu. Pineqartumi ilisimasat nukittorsarneqarnissaat paasissutissanillu katersinissamut pisariaqartitsisoqarnera ataatsimiititaliamit ilanngullugu erseqqissarneqassaaq.

5.2.8. Ataatsimiititaliap suliarinninneranik eqikkaaneq.

Inatsisissartut siunnersuut annertooujussuaq tamakkiisumillu isiginnittoq pineqarpoq. Ungasinnerusoq isigalugu siunnersuummi naleqqutinngitsumik pissusissamisunngikkaluartoq ataatsimut isigalugu siunnersuut pissutsinut piviusunut misilinneqartariaqartoq ataatsimiititaliamit isumaqarfigineqarpoq.

Inuit Innarluutillit Illersuisuata aamma innarluutillit illersuisoqarfiata TILIOQ-p sulinerata nanginneqarnissaa ataatsimiititaliamit qilanaarineqarpoq. Qularutigineqassanngilaq innarluutillit Illersuisuannit nalunaarusianik ajornartorsiutinillu nalunaarutinik takkuttoqassasoq, tamatumalu kinguneranik oqallinnissamut isumaliutersuuteqarnissamillu pissutissaqalersitsisunik kiisalu Innarluutilinnut tunngasuni paasinninneq tunngavigalugit pitsanngorsaatinik pisariaqartinneqartunik naleqqussaansamillu suliniuteqarnissamik takkuttoqanngitsoornaviarani.

Innarluutilinnut tunngasut NIIK-miit allaniillu innarluutillit kattuffiiniit ilaqutaasunut atugassarititaasut innarluutilinnullu tunngasut ataatsimut isigalugit qanimut malinnaavigineqarnerat ataatsimiititaliamit ilanngullugu ilisimaneqarpoq. Isorinnilluni takunissinnaaneq pisariaqartinneqarpoq, pineqartumi pisariaqartitsineq naapertorlugu iluarsisuteqartoqartarsinnaaniassammat nalimmassaasoqarlunilu. Taamaattumik innarluutillit peqatigiiffiini innarluutillit kattuffiini atuuunik pissusissamisoortumik suleqateqarnissaaq ataatsimiititaliamit qilanaarineqarpoq.

6. Ataatsimiititaliap inassuteqaatai

Tikeraarluni angalanernut tunngatillugu ataatsimiititaliap kaammattuutaanut Naalakkersuisut allannguutissatut siunnersuummik saqqummiussippata siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiissumilu allassimasunut paasinnilluni ataatsimiititaliap siunnersuut aappassaaniigassanngortippaa.



Laura Táunâjik
Siulittaasoq



Stine Egede
Siulittaasup tullia



Nivi Olsen



Mikivuk Thomassen

Karl-Kristian Kruse



Malene Vahl Rasmussen



Aqqa Samuelsen